

REGIONAL NEWS UNIT
ALL INDIA RADIO, SILCHAR

EVENING BULLETIN : BENGALI

Date:- 23-2-2018

Time : 19:55-20:05 Hrs

বিশেষ বিশেষ খবর :-

১) ব্যাপক গবেষনামূলক কাজে দেশের কৃষিখণ্ডের ক্ষমতাপূর্ণ বিকাশে যথেষ্ট প্রেরণা দেয় বলে মুখ্যমন্ত্রী সর্বানন্দ সনোয়ালের মন্তব্য ।

২) পুরসভার কর্মচারীদের বেতন সমস্যার সমাধানে ২০১৮-১৯ অর্থবছরে পুনরায় অতিরিক্ত তহবিল মঞ্জুর করা হবে বলে রাজ্যের সংসদীয় পরিক্রমা বিভাগের মন্ত্রী চন্দ্র মোহন পাটয়ারির ঘোষণা ।

৩) দক্ষিণ করিমগঞ্জের খণ্ড উন্নয়ন আধিকারিক সালেহ আহমদ চৌধুরীকে দুর্নীতির অভিযোগে বরখাস্ত

এবং

৪) নাগাল্যান্ড ও মেঘালয় বিধানসভা নির্বাচনের প্রচারাভিযান তুঙ্গে ।

বিস্তারিত খবর :-

মুখ্যমন্ত্রী সর্বানন্দ সনোয়াল বলছেন যে ব্যাপক গবেষনামূলক কাজে দেশের কৃষিখন্ডের ক্ষমতাপূর্ণ বিকাশে যথেষ্ট প্রেরনা দেয় । আজ যোরহাটের আসাম কৃষি বিশ্ববিদ্যালয়ে যুব সম্মেলনের উদ্বোধন করে মুখ্যমন্ত্রী একথা বলেন । তিনি বলেন আসাম কৃষিবিশ্ববিদ্যালয় রাজ্যে কৃষির উন্নয়নের জন্যে গবেষনার কাজে এগিয়ে আসা ছাত্রছাত্রীদের উৎসাহিত করার ক্ষেত্রে গুরুত্বপূর্ণ ভূমিকা পালন করতে পারে । একজন কৃষকের সন্তান হিসেবে নিজের অভিজ্ঞতার কথা উল্লেখ করে শ্রী সনোয়াল বলেন যে তার পরিবারকে সারা বছর কৃষি কাজে জড়িত থাকতে তিনি দেখেছেন । অবশ্য বৈজ্ঞানিক ধ্যানধারণা ও গবেষনার অভাবে আগের দিনের কৃষকরা কৃষিখন্ডথেকে উপযুক্ত ফসল পেতেন না বলে মুখ্যমন্ত্রী বলেন । শ্রী সনোয়াল অর্থনৈতিক বিকাশের স্বার্থে কৃষিখন্ডে অধিক গবেষনার উপর গুরুত্ব আরোপ করেন । যোরহাটে আয়োজন করা এই জাতীয় সম্মেলনে অংশ গ্রহন করা দেশের কৃষিখন্ডের ছাত্রছাত্রী ও বিজ্ঞানীদের কৃষি গবেষনা ক্ষেত্রের সম্প্রসারণের জন্যে কাজ করার জন্যে মুখ্যমন্ত্রী আহ্বান জানান ।

oo

আসামের রাজ্যপাল অধ্যাপক জগদীশ মুখি বলেছেন যে শিশুরা দেশের ভবিষ্যৎ এবং সমাজের সর্ববৃহৎ সম্পদ । গৌহাটের চাঁদমারি খেলার মাঠে আয়োজিত শিশু সম্মেলনের অনুষ্ঠানিক সূচনা করে অধ্যাপক মুখি এ মন্তব্য করেন । তিনি বলেন যে দেশ তথা সমাজ গঠনে শিক্ষা এক বিশেষ ভূমিকা পালন করে এবং সমাজের অগ্রগতির জন্যে শিক্ষা হচ্ছে প্রাথমিক তথা অন্যতম শর্ত । রাজ্যপাল বলেন যে বর্তমানের শিক্ষা হচ্ছে যে সম্পূর্ণভাবে একটি কর্ম এবং পেশা ভিত্তিক শিক্ষা ব্যবস্থা । তিনি বলেন যে শিশুকে শুধুমাত্র পেশা ভিত্তিক শিক্ষায় শিক্ষিত না করে পাঠ্যক্রমের বাইরের বই পড়ার জন্যেও উৎসাহিত করতে হবে এতে বড় হয়ে তারা বাইরের জগৎ সম্পর্কে আরো

বেশী ওয়াকিবহাল হতে পারবে । রাজ্যপাল বলেন যে শিশুদের বিশেষকরে ইতিহাস এবং ভূগল পড়ার জন্য মনোনিবেশ করা উচিত কারণ এতে তারা দেশের অতীত সম্পর্কে সচেতন হতে পারবে ।

oo

পৌর কর্মচারীদের বেতন সমস্যার সমাধানে ২০১৮-১৯ অর্থবছরে পুনরায় অতিরিক্ত তহবিল মঞ্জুর করা হবে । রাজ্যের সংসদীয় পরিক্রমা বিভাগের মন্ত্রী চন্দ্র মোহন পাটয়ারি আজ বিধানসভায় উত্তর করিমগঞ্জের বিধায়ক কমলাক্ষ দে পুরকায়েস্তুর এই মর্মে উত্থাপিত এক প্রশ্নের উত্তরে এ কথা জানান । বিধায়ক দে পুরকায়েস্তু শিলচরের পুরকর্মীর আত্মহত্যার বিষয়টি উত্থাপন করে বলেন যে আটমাস ধরে বেতন না পাওয়ার ফলে সংসার চালানো অসম্ভব হয়ে পড়েছিল রঞ্জনপদ দে-র । চিকিৎসা করানোর অর্থ ছিলনা , এসব না না কারণেই তিনি আত্মহত্যার মত চরম পথ বেছে নিতে বাধ্য হয়েছিলেন । বিধায়ক দে পুরকায়েস্তু অভিযোগ করে বলেন যে সরকার এক দিকে পুর কর্মচারীদের বেতন দিতে পারছেননা অন্যদিকে প্রিয়াঙ্কা চোপড়াকে ব্রেড এম্বেসেডর করে আসামে নিয়ে এসে খরচ করছে । প্রসঙ্গত তিনি কেলেলা , ওড়িশ্যা , অন্ধ্র প্রদেশ সহ বিভিন্ন রাজ্যে সরকার যেভাবে সরাসরি পুর কর্মচারীদের ব্যাঙ্ক একাউন্টে বেতন প্রদান করে সেই নিতী আসামেও গ্রহণ করার দাবী জানান ।

oo

আসাম বিধানসভায় আজ অধ্যক্ষ হিতেন্দ্রনাথ গোস্বামী মার্শাল ডেকে এক বিধায়ক-কে বিধানসভা কক্ষ থেকে বের করে দেওয়ার নির্দেশ দিলে বিষয়টি নিয়ে সভার পরিস্থিতি উত্তেজনাময় হয়ে ওঠে । উল্লেখ্য যে একটি সেতু নির্মানের প্রসঙ্গ নিয়ে বিধায়ক শেরমান আলী বার বার প্রশ্ন করতে শুরু করে বিধানসভার কাজে বাধা প্রদান করতে থাকলে অধ্যক্ষ মার্শাল ডেকে

বিধায়ক-কে তাৎক্ষনিকভাবে সভাকক্ষ থেকে বের করে দেওয়ার নির্দেশ দেন । এর আগে অধ্যক্ষ বিধানসভার কাজে বাধা প্রদান না করতে বিধায়ক শেরমান আলীর প্রতি বার বার আবেদন জানালেও বিধায়ক সেই আবেদনে কর্ণপাত করেননি । বাধ্য হয়ে অধ্যক্ষ সভার মর্যাদা রক্ষার্থে মার্শাল ডেকে তাকে বের করা দেন । বিষয়টি নিয়ে বিরোধীরা সরকারের তীব্র সমালোচনা করেছেন ।

oo

রাজ্যের আইন-শৃঙ্খলা পরিস্থিতি অবনতির অভিযোগ এনে কংগ্রেস বিধায়করা আজ বিধানসভা প্রাঙ্গনে বিক্ষোভ প্রদর্শন করে । আজ সকালেই বিধানসভার বাজেট অধিবেশন শুরু হওয়ার আগেই কংগ্রেস বিধায়করা হাতে প্লেকার্ড , ফেণ্টোন ইত্যাদি নিয়ে বিধানসভা চত্বরে উপস্থিত হয়ে বিক্ষোভ কার্যসূচি শুরু করেন । বিক্ষোভ কার্যসূচি চলাকালীন কংগ্রেস বিধায়করা অভিযোগ করে বলেন যে বর্তমান সরকার রাজ্যের সামগ্রিক আইন-শৃঙ্খলা পরিস্থিতি স্বাভাবিক রাখতে ব্যর্থ হয়েছে । এর ফলে সারা রাজ্যে হত্যা , অপহরণ , লুট , ধর্ষণের মত ঘটনা দ্রুত বৃদ্ধি পাচ্ছে । তারা অভিযোগ করে বলেন যে গৌহাটীর ব্যাস্ত সড়কে ব্যাবসায়ী খুনের ঘটনা রাজ্যের আইন-শৃঙ্খলা পরিস্থিতি প্রতিফলিত হয় ।

oo

দক্ষিণ করিমগঞ্জের খন্ড উন্নয়ন আধিকারিক সালেহ আহমদ চৌধুরীকে দুর্নীতির অভিযোগে বরখাস্ত করা হয়েছে । সংবাদ সংস্থা হিন্দুস্তান সমাচার জানিয়েছে যে কিছুক্ষণ আগে রাজ্য পঞ্চায়েত আয়ুক্ত জে বি একা এইমর্মে এক নির্দেশ জারী করে তাকে বরখাস্ত করেছেন ।

oo

আর মাত্র তিনদিন বাকি থাকায় নাগাল্যান্ড বিধান সভার নির্বাচনী প্রচারাভিযান অন্তিম পর্যায়ে পৌঁছেছে । উল্লেখ্য ২৭শে ফেব্রুয়ারী অনুষ্ঠিত নাগাল্যান্ড বিধানসভার নির্বাচনী প্রচারাভিযান আগামী রবিবার সমাপ্ত হবে । ওই রাজ্যের প্রত্যন্ত অঞ্চলে বসবাসরত জনসাধারণ যাতে বিভিন্ন রাজনৈতিক নেতা এবং দলগুলির নিতী সম্পর্কে সচেতন হতে পারেন সেই উদ্দেশ্যে আকাশবাণী কোহিমা কেন্দ্র সহ অন্যান্য সংবাদ সংস্থাগুলি প্রচারের ক্ষেত্রে বিশেষ ভূমিকা নিয়েছে । আকাশবাণী কোহিমার সংবাদাতা নাগাল্যান্ডের সার্বিক রাজনৈতিক পরিস্থিতি পর্যবেক্ষণ তথা ওই নির্বাচনের বাস্তব চিত্র তুলে ধরতে বিশেষ পদক্ষেপ গ্রহণ করেছেন । এবারের এই নির্বাচনে মকোকচাং বিধানসভা আসনে সবচেয়ে বেশী ৪৮ জন এবং মন আসনে ৪১ জন প্রার্থী প্রতিদ্বন্দিতায় রয়েছেন ।

এদিকে মেঘালয়ে রাজ্য নির্বাচনী বিভাগ ওই রাজ্যে জনসাধারণের মধ্যে নির্বাচন সম্পর্কে সচেতনতা বৃদ্ধির উদ্দেশ্যে বেশ কিছু অভিনব পদক্ষেপ গ্রহণ করেছে । মেঘালয়ের রাজ্য নির্বাচনী আধিকারিক এফ আর খারকঙ্গার জানিয়েছেন যে আগামীকাল এই উপলক্ষ্যে Rock The Boat with Your Vote শীর্ষক একটি মেগা ইভেন্ট অনুষ্ঠিত হবে । এই অনুষ্ঠানের মূল উদ্দেশ্য হচ্ছে একটি সুস্থ ও সবল এবং শক্তিশালী গণতান্ত্রিক ব্যবস্থ্যা গড়ে তোলতে জনগণের দ্বায়িত্বের কথা তাদের স্মরণ করিয়ে দেওয়া । তিনি আরো জানান যে এ পর্যন্ত মেঘালয়ের বিভিন্ন স্থান থেকে নগদ ৬৯ লক্ষ টাকা এবং প্রায় ২৮ হাজার লিটার মদ বাজেয়াপ্ত করা হয়েছে ।

০০

টি ওয়াই দাস আসামের পরবর্তী মুখ্যসচিব হবেন । ১৯৮২সালের ভারতীয় প্রশাসনিক আধিকারিক টি ওয়াই দাস বর্তমানের মুখ্যসচিব বিনোদ কুমার পিপারসেনিয়ার স্থলাভিষিক্ত হবেন । শ্রী পিপারসেনিয়ার কার্যকাল আগামী ২৮ শে ফেব্রুয়ারী শেষ হবে ।

oo

আসাম উচ্চতর মাধ্যমিক শিক্ষা পরিষদ পরিচালিত ২০১৭ -১৮ শিক্ষাবর্ষের উচ্চমাধ্যমিক চূড়ান্ত পরীক্ষা আজ থেকে শুরু হয়েছে। কাছাড় জেলায় এবার ৩০ টি পরীক্ষা কেন্দ্রে তিনটি শাখার মোট ১১ হাজার ৫ শো ৯৯জন পরীক্ষার্থী অবতীর্ণ হয়েছে। এর মধ্যে বিজ্ঞান শাখায় ১ হাজার ৬শো ৬৫ জন ,কলা বিভাগে ৮ হাজার ৯শো ৭৭ জন , এবং বানিজ্য শাখায় ৫ শো ৯৭ জন পরীক্ষার্থী রয়েছে। কাছাড় জেলার শিক্ষা বিভাগের দায়িত্বপ্রাপ্ত অতিরিক্ত জেলা উপায়ুক্ত আর কে ধাম জানিয়েছেন পরীক্ষার প্রথম দিন আজ জেলার প্রতিটি পরীক্ষা কেন্দ্রে শান্তিপূর্ণভাবে পরীক্ষা সম্পন্ন হয়েছে। আজকের পরীক্ষার বিষয় ছিল ইংরেজী। শ্রী দাম জানান পরীক্ষা শান্তিপূর্ণভাবে সম্পন্ন করার জন্য জেলা প্রশাসনের পক্ষ থেকে প্রয়োজনীয় নিরাপত্তা ব্যবস্থা গ্রহন করা হয়েছে।

oo

হাইলাকান্দি জেলার ১১ টি পরীক্ষা কেন্দ্রে উচ্চতর মাধ্যমিক পরীক্ষা শুরু হয়েছে। জেলায় এবার সর্বমোট ৪ হাজার ৬৬৭ জন পরীক্ষার্থী এই পরীক্ষায় অবতীর্ণ হয়েছে। এর মধ্যে ২ হাজার ৪১৬ জন ছাত্রী ও ২ হাজার ২৫১ জন ছাত্র প্রার্থী রয়েছে। শিক্ষা বিভাগের দায়িত্বপ্রাপ্ত অতিরিক্ত উপায়ুক্ত অমলেন্দু রায় জানান যে এবার কলা শাখায় ৩ হাজার ৭৬৭ জন, বিজ্ঞান শাখায় ৫৭৫ জন , ও বানিজ্য শাখায় ২৯৩ জন পরীক্ষার্থী ও বৃত্তিমূলক শাখায় ৩২ জন পরীক্ষার্থী উচ্চতর মাধ্যমিক পরীক্ষা অবতীর্ণ হয়েছে। আজ প্রথম দিনের পরীক্ষায় কোনো পরীক্ষা কেন্দ্র থেকে কোনো অপ্রীতিকর ঘটনার খবর পাওয়া যায়নি। তবে আজকের পরীক্ষায় মোট ২৭ জন পরীক্ষার্থী অনুপস্থিত ছিল।

oo

হাইলাকান্দি শহরতলির নারায়নপুর এলাকায় সরকারী উচ্ছেদ প্রক্রিয়া সম্পর্কে আজ গুয়াহাটি হাইকোর্ট গুরুত্বপূর্ণ রায়দান দিয়েছে। ফেব্রুয়ারীর প্রস্তারীত এই উচ্ছেদ প্রক্রিয়াকে আদালত স্থগিত রাখার নির্দেশ দিয়েছে।

oo

কাছাড় কাগজ কলের সুরক্ষা বৃদ্ধি করার ব্যাপারে মুখ্যমন্ত্রী সর্বানন্দ সনোয়ালের নির্দেশ পাবার পর জেলা উপায়ুক্ত কৃষ্ণগোবিন্দ ভূইয়া এবং পুলিশ সুপার প্রনবজ্যোতি গোস্বামী পাঁচগ্রামের এই মিলের আভ্যন্তরীণ সুরক্ষার বিষয়টি সরজমিনে পর্যবেক্ষণ করেন। পরে পুলিশ সুপার শ্রী গোস্বামী জানান পাঁচগ্রামের মিলের ভিতরের কিছু মূল্যবান সামগ্রী চুরি হওয়ার অভিযোগ আআইউডিএফ দলের পক্ষ থেকে আজ মুখ্যমন্ত্রী কে দিশপুরে করা হয়েছিল। এই অভিযোগের পরিপ্রেক্ষিতে বিষয়টি যাচাই করতে মুখ্যমন্ত্রী জেলার উপায়ুক্ত ও পুলিশ সুপারকে এই নির্দেশ দেন।

oo

নাগরিক স্বার্থ রক্ষা সংগ্রাম পরিষদের ব্যবস্থাপনায় আজ শিলচরে একটি পরিবেশ সচেতনতা পদযাত্রা বের হয়। পরিচ্ছন্ন শিলচর-সুন্দর শিলচর, এই ভাবনাকে সামনে রেখে পদযাত্রাটি শহরের নরসিং টোলা ময়দান থেকে বের হয়ে শহরের প্রধান প্রধান সড়ক পরিভ্রমণ করে পুনরায় নরসিং টোলা ময়দানে এসে শেষ হয়। পদযাত্রায় শহরের বিভিন্ন বিদ্যালয়ের ছাত্র-ছাত্রী সহ স্বেচ্ছাসেবী সংগঠনের প্রতিনিধিরা অংশগ্রহণ করেন।

oooooooooooooooooooo সমাপ্ত ooooooooooooooooooooo

